

摘藻堂四庫全書薈要

子部

欽定四庫全書薈要

子部

御定廣羣芳譜卷十一

詳校官主事臣陳本

欽定四庫全書薈要卷一萬五百七十四

子部

御定佩文齋廣羣芳譜卷十一

桑麻譜



原桑東方自然神木之名其字象形蠶所食也

見徐鍇說文通

釋皮裂榦疎葉面深綠光澤多刻缺方書稱桑之功最

神在人資用尤衆其種類甚多不可徧舉世所名者荆與魯也荆桑多椹葉薄而尖邊有瓣凡枝榦條葉堅勁

者皆荆類也魯桑少樅葉圓厚而多津凡枝幹條葉豐
腴者皆魯類也荆類根固而心實能久宜為樹魯類根
不固心虛不能久宜為地桑荆葉不如魯之盛當以魯

接荆則久而又茂魯為地桑有壓條法傳轉無窮是亦

可以久遠者也荆桑飼蠶其絲堅韌中紗羅用魯桑宜

飼大蠶荆桑宜飼小蠶

見王禎農桑通訣

此外又有楸桑

爾雅云女

桑楸桑注云今俗桑樹小而條長

壓桑

爾雅云壓桑山桑注云似桑材

中作弓及車轆疏云山桑一名縻桑

禹貢厥篚縻絲是也

增本草李時

珍曰桑有數種有白桑葉大如掌而厚雞桑葉花而薄
子桑先樵而後葉山桑葉尖而長以子種者不若壓條
而分者 原桑生黃衣謂之金桑木將槁蠶食必病樹
下每年耕用糞則葉肥嫩構接則葉大桑白皮利小水
肺中有水氣及肺火有餘者用之葉多積荒年可濟飢
亦可喂豬羊馬蠶事畢令人採取曬乾收貯備用

彙考增易否卦繫于苞桑疏苞本也凡物繫於桑之苞
本則牢固也又桑之為物其根衆也衆則牢固之義

書禹貢桑土既蠶是降丘宅土傳大水去民下丘居平
土就桑蠶集傳桑土宜桑之土既蠶者可以養蠶也蠶
性惡濕故水退而後可蠶然九州皆賴其利而獨於兗
言之者兗地宜桑後世之濮上桑間猶可驗也 厥貢
漆絲傳地宜漆林又宜桑蠶 厥篚檿絲傳檿桑蠶絲
中琴瑟絃疏檿絲是蠶食檿桑所得絲韌中琴瑟絃也
書傳成王之時有三苗貫桑葉而生同為一穗其大
盈車長幾兗箱民得而上諸成王 詩鄘風降觀于桑

傳地勢宜蠶可以居民 靈雨既零命彼倌人星言夙

駕稅于桑田集傳言方春時雨既降而農桑之務作文

公於是命主駕者晨起駕車急往而勞勸之 衛風桑

之未落其葉沃若傳桑女功之所起沃若猶沃沃然

桑之落矣其黃而隕 魏風彼汾一方言采其桑箋采

桑親蠶事也 原唐風肅肅鵲行集于苞桑 曹風鴈

鳩在桑其子七兮 增豳風女執懿筐遵彼微行爰求

桑桑疏桑桑穉桑也蠶始生宜穉桑 蠶月條桑取彼

斧斨以伐遠揚猗彼女桑傳遠枝遠也揚條揚也角而束之曰猗女桑柔柔也疏條其桑而采之謂斬條於地就地采之也猗束彼女桑而采之謂柔釋之桑不枝落者以繩猗束而采之也 小雅隰桑有阿其葉有難傳阿然美貌難然盛貌有以利人也疏言隰中之桑枝條甚阿然而長美其葉則甚難然而茂盛其下可以庇蔭人往息者得其涼也 隰桑有阿其葉有沃傳沃柔也隰桑有阿其葉有幽傳幽黑也疏阿那是枝葉條垂

之狀故為美貌難為葉之茂沃言葉之柔幽是葉之色
言桑葉茂盛而柔輒則其色純黑故三章各言其一也
樵彼桑薪印烘于煨傳印我也烘燎也煨炆竈也桑
薪宜以養人者也疏有人樵取於彼桑木之薪不以炊
爨云我用之燎於煨竈炆物而已桑薪薪之善者也宜
以炊爨而養人今不以炊爨反燎於煨竈失其所也

大雅菀彼桑柔其下侯甸傳菀茂貌甸言陰均也箋桑
之柔濡其葉菀然茂盛謂蠶始生時也人庇蔭其下者

均得其所疏菟然而茂者彼桑也其葉穉而桑濡故菟然茂盛於此之時人息其下維均得蔭皆無暑熱之患

禮記月令季春之月命野虞毋伐桑柘注愛蠶食也

野虞謂主田及山林之官 鳴鳩拂其羽戴勝降于桑

注蠶將生之候也戴勝織紵之鳥是時恒在桑 具曲

植籩筐注時所以養蠶器也曲簿也植槌也 后妃齋

戒親東鄉躬桑禁婦女毋觀省婦使以勸蠶事注后妃

親採桑示帥先天下也東鄉者鄉時氣也是明其不常

留養蠶也留養者所卜夫人與世婦婦謂世婦及諸臣之妻也內宰職曰仲春詔后帥內外命婦始蠶於北郊女外內子女也夏小正曰妾子始蠶執養宮事毋觀去容飾也婦使縫線組紉之事 蠶事既登分繭稱絲效

功以共郊廟之服毋有敢惰注登成也勅往蠶者蠶畢將課功以勸戒之 季夏之月蠶事畢后妃獻繭乃收繭稅以桑為均貴賤長幼如一以給郊廟之服疏后妃獻繭者謂后妃受內命婦之獻繭乃收繭稅者謂既受

內命婦獻繭及收外命婦繭之賦稅以桑為均者言收
稅之時以受桑多少為賦之均齊桑多則賦多桑少則
賦少貴賤長幼如一者貴謂公卿大夫之妻賤謂士之
妻長幼謂婦老幼無問貴賤長少出之時齊同如一皆
以近郊之稅十而稅一也所稅之物以供給天子郊廟
之服 內則射人以桑弧蓬矢六射天地四方疏桑象
木之本 祭義古者天子諸侯必有公桑蠶室近川而
為之築宮仞有三尺棘牆而外閉之及大昕之朝君皮

弁素積卜三宮之夫人世婦之吉者使入蠶於蠶室奉
種浴于川桑于公桑風戾以食之疏公桑蠶室者謂官
家之桑於處而築養蠶之室近川而為之者取其浴蠶
種便也風戾以食之者戾乾也凌早采桑必帶露而濕
蠶性惡濕故乾而食之 左傳宣子田於首山舍於翳

桑注翳桑桑之多蔭翳者 原孟子五畝之宅樹牆下

以桑 增戰國策昔者堯見舜於草茅之中席隴畝而
蔭庇桑陰桑陰移而受天下 史記殷本紀帝太戊立

伊陟為相毫有祥桑穀共生於朝一暮大拱帝太戊懼
問伊陟伊陟曰臣聞妖不勝德帝之政其有闕歟帝其
脩德太戊從之而祥桑枯死 貨殖傳齊魯千畝桑麻
與千戶侯等 原漢書文帝紀十三年春二月甲寅詔
曰朕親率天下農耕以供粢盛皇后親桑以奉祭服其
具禮儀注師古曰令立耕桑之禮制也 景帝紀二年
夏四月詔曰朕親耕后親桑以奉宗廟粢盛祭服為天
下先 增漢書食貨志還廬樹桑 元后傳太后幸繭

館率皇后列侯夫人桑 後漢書禮儀志皇后帥公卿

諸侯夫人蠶祠先蠶禮以少牢注漢舊儀曰春桑生而

皇后親桑於苑中蠶室養蠶千簿以上祠以中牢羊豕

羣臣妾從桑還獻於繭觀皆賜從桑者樂 襄楷傳楷

上書曰聞宮中立黃老浮屠之祠浮屠不三宿桑下不

欲久生恩愛精之至也注言浮屠之人寄桑下者不經

三宿便即移去示無愛戀之心也 原後漢書張堪傳

張堪拜漁陽太守百姓歌之曰桑無附枝麥秀兩岐張

君為政樂不可支 申屠蟠傳蟠絕迹於梁碭之間因

樹為屋自同傭人注謝承書曰居蓬萊之室依桑樹以
為棟也 增謝承後漢書汝南伊昆為陰縣功曹令新

到官問曰園中有桑以食蠶何如昆曰非初至所當務

原蜀志先主傳先主舍東南角籬下有桑樹生高五

丈餘遙望童童如小車蓋往來者皆怪其非凡或謂當

出貴人先主少時與宗中諸小兒戲於樹下戲言吾必

當乘此葆羽車蓋 增蜀志諸葛亮傳亮自表後主曰

成都有桑八百株薄田十五頃子弟衣食自有餘饒

龐統傳潁川司馬徽清雅有知人鑒龐統弱冠往見徽
徽采桑於樹上坐統在樹下共語自晝至夜徽甚異之
稱統當為南州士人之冠冕由是漸顯 晉書禮志武

帝太康六年使侍中成粲草定親蠶儀先蠶壇高一丈
方二丈為四出陛陛廣五尺在皇后採桑壇東南帷宮
外門之外而東南去帷宮十丈在蠶室西南桑林在其
東取列侯妻六人為蠶母蠶將生擇吉日皇后著十二

筭步搖依漢魏故事衣青衣乘油畫雲母安車駕六驄
馬女尚書著貂蟬佩璽陪乘載筐鈎公主三夫人九嬪
世婦諸太妃太夫人及縣鄉君郡公侯特進夫人外世
婦命婦皆步搖衣青各載筐鈎從蠶先桑二日蠶宮生
蠶者薄上桑日皇后未到太祝令質明以一太牢告祠
謁者一人監祠祠畢徹饌班餘胙於從桑及奉祠者皇
后至西郊升壇公主以下陪列壇東皇后東面躬桑採
三條諸妃公主各採五條縣鄉君以下各採九條悉以

桑條授蠶母還蠶室 藝術傳淳于智有思義能易筮

善厭勝之術上黨鮑瑗家多喪病貧苦智為卦成謂瑗

曰君安宅失宜故令君困君舍東北有大桑樹君徑至

市入門數十步當有一人持荆馬鞭者便就買以懸此

樹三年當暴得財瑗承言詣市果得馬鞭懸之三年後

并得錢數十萬銅鐵器復二十餘萬於是致贍疾者亦

愈 辰韓國傳辰韓俗饒蠶桑善作縑布 馮跋載記

跋勵意農桑勤心政事下書曰桑柘之益有生之本此

土少桑人未見其利可令百姓人植桑一百根柘二十根
原宋書禮志孝武立觀后親桑循晉禮也 增南

齊書祥瑞志永明二年護軍府門外桑樹一株並有蠶
絲綿被枝莖史臣按漢光武時有野蠶成繭百姓得以
成衣服今則浮波幕樹其亦此之類乎 原南齊書孝

義傳韓係伯襄陽人也襄陽土俗鄰居種桑界上為誌
係伯以桑枝蔭妨他地遷界上開數尺隣畔隨復侵之
係伯輒更改種久之隣人慙愧還所侵地躬往謝之

增魏書食貨志諸初受田者男夫一人給田二十畝課
蒔餘種桑五十樹棗五株榆三根非桑之土一夫給一
畝依法課蒔榆棗奴各依良限三年種畢不畢奪其不
畢之地於桑榆地分離蒔餘果及多種桑榆者不禁諸
應還之地不得種桑榆棗果種者以違令論原南史
齊本紀高帝舊宅在武進宅南有一桑樹擢本三大橫
出四枝狀似華蓋帝年數歲好戲其下從兄敬宗曰此
樹為汝生也增南史羅研傳研為信安令故事置觀

農謁者園桑度田勞擾百姓研請除其弊帝從之 新

羅國傳新羅土地肥美多桑麻作縑布 隋書禮儀志

後齊皇后親桑於桑壇備法駕服鞠衣乘重翟帥六宮

升桑壇東陛即御座女尚書執筐女主衣執鉤立壇下

皇后降自東陛執筐者處右執鉤者處左蠶母在後乃

躬桑三條訖升壇即御座內命婦以次就桑鞠衣五條

展衣七條祿衣九條以授蠶母還蠶室 皇后采桑則

服鳩衣 皇后之車三曰翟輅以採桑 命婦采桑齋

及采桑還則黃衣 食貨志河清三年每丁給永業二

十畝為桑田其中種桑五十根榆三根棗五根不在還
受之限非此田者悉入還受之分 唐書憲宗本紀元

和七年四月詔民田晦樹桑 禮樂志皇后歲祀一季

春吉已享先蠶遂以親桑 賈循傳循母將葬宅有枯

桑一夕再生芝出北墉人以為瑞 南蠻傳永昌之西

野桑生石上其材上屈兩向而下植取以為弓不筋漆

而利名曰瞑弓 宋史禮志元祐八年宰臣奏積雨傷

蠶上曰朕宮中自蠶一簿欲知農桑之候久雨葉濕豈
不有損乃命往天竺祈晴 食貨志太祖建隆時詔所
在長吏諭民有能廣植桑棗墾闢荒田者止輸舊租民
伐桑棗為薪者罪之 熙寧元年中書議勸民栽桑帝
曰農桑衣食之本民不敢自力者正以州縣約以為貲
升其戶等耳宜申條禁於是司農寺請立法先行之開
封視可行頒於天下民種桑柘毋得增賦安肅廣信順
安軍保州令民即其地植桑榆或所宜木因可限闕戎

馬官計其活茂多寡得差減在戶租數活不及數者罰

責之補種 金史食貨志世宗大定十九年二月上如

春水見民桑多為牧畜嚙毀詔親王公主及勢要家牧

畜有犯民桑者許所屬縣官立加懲斷 山海經宣山

上有桑大五十尺其枝四衢葉大尺赤理青華名之曰

帝女之桑 衡山多桑 東北海外赤水在圓丘南有

三桑木而無枝皆高百仞 穆天子傳甲寅天子作居

范宮以觀桑者乃飲於桑中天子命桑虞出闕桑者用

禁暴民注不得令剗犯桑木 尚書考靈曜桑木者箕
星之精神木蟲食葉為文章人食之老翁為小童 原
春秋孔演圖孔子母徵在游於大塚之陂睡夢黑帝使
請往交語曰汝乳必於空桑覺則若有所感後生孔子
於空桑之中 韓非子子產相鄭開畝樹桑鄭人謗訾
增呂氏春秋伊尹之母居伊水之上孕夢有神告之
曰白出水而東走無顧明日視白出水其隣東走十里
而顧其邑盡為水身因化為空桑有莘氏女子採桑得

嬰兒空桑之中獻之於君君令乳之命曰伊尹 淮南
子蠋蠶一歲再收非不利也然而王法禁之者為其殘
桑也 括地圖化民食桑三十七年化而自裹九年生
翼十年而死 神異經東方有桑樹焉高八十丈敷張
自輔其葉長一丈廣六七尺其上自有蠶作繭長三尺
繅一繭得絲一斤 原漢舊儀皇后躬桑始將一條執
筐受桑將三條女尚書跪曰可止執筐者以桑授蠶母
以桑適金室 增列女傳魯秋胡子納妻五日而官於

陳後歸未至家見路傍有美婦方採桑秋胡悅之下車
願托桑陰下婦人採桑不顧胡曰力田不如逢年採桑
不如見郎今吾有金願與夫人而婦人不受胡乃歸母
呼其婦乃即採桑者也數胡之罪而自投於河 齊宿
瘤女東隣採桑女也項有大瘤閔王遊至東都百姓盡
觀宿瘤女採桑如故王怪問之對曰受父母教採桑不
受教觀王王曰此奇女悅而聘迎之 陳辨女者陳國
採桑之女也晉大夫解君甫使於宋過陳遇之止而戲

之曰女為吾歌吾將舍女女乃歌曰墓門有棘斧以斯
之夫也不良國人知之 崔豹古今注邯鄲有美女姓
秦名羅敷為邑人王仁妻仁後為趙王家令羅敷出採

桑於陌趙王登臺見而悅之因飲酒欲奪焉羅敷善彈
箏作陌上桑之歌以自明 原神仙傳麻姑語王方平

云接侍以來已見東海三為桑田 增搜神記有人遠
征家有一女馬一匹女思父乃戲馬曰爾能為我迎得
父歸吾將嫁汝馬乃頓韁而去迎得父來後馬見女輒

怒父乃殺馬曝皮於庭女之皮所皮忽卷女而行父後
於大桑樹枝間得女及皮盡化為蠶績樹上其繭厚大
異常隣婦取養之其收亦倍今世謂蠶為女兒古之遺
語也 拾遺記少昊以金德王母曰皇娥處璇宮而夜
織或乘桴木而晝遊經歷窮桑滄茫之浦時有神童容
色絕俗稱為白帝之子即太白之精降乎水際與皇娥
讌戲奏嬈媚之樂游漾忘歸窮桑者西海之濱有孤桑
之樹直上千尋葉紅樨紫萬歲一實食之後天而老帝

子與皇娥並坐撫桐峰梓瑟皇娥倚瑟而清歌曰天清
地曠浩茫茫萬象迴薄化無方滄天蕩蕩望滄滄乘桴
輕漾著日傍當其何所至窮桑心知和樂悅未央白帝
子答歌四維八埏眇難極驅光逐影窮水域璇宮夜靜
當軒織桐峰文梓千尋直伐梓作器成琴瑟清歌流暢
樂難極滄湄海浦來栖息及皇娥生少昊號曰窮桑氏
亦曰桑丘氏至六國時桑丘子著陰陽書即其餘裔也
原後燕錄遼初無桑慕容廆通於晉求種江南平川

之桑悉繇吳來 增述異記空桑生大野山中為琴瑟

之最者空桑也 桓仲為江州刺史遣人周行廬山冀

覩靈異既陟崇巘有一湖周生桑樹有敗牕赤鱗魚使

者渴極欲往飲水赤鱗張鰭向之使者不敢飲 稽神

錄廬州軍吏蔡彥卿為拓皋鎮將暑夜坐鎮門外納涼

忽見道南桑林中有白衣婦人獨舞就視即滅明夜彥

卿扶杖先往伏草間久之婦人復出而舞即擊之墜地

乃白金一餅復掘地獲銀數千兩遂致富裕云 錄異

記李太尉德裕一旦有老叟謁門引五六輩舁巨木請謁焉閤者不能拒之公異而見之叟曰某家藏此桑寶三世矣某已耄矣感公之好奇搜異是以獻爾木中有奇寶若能者斲之必有所得洛邑有匠計其年齒且老或身已歿子孫亦當得其旨訣非洛匠無能斲之者也公如其言訪於洛下匠已殂矣其子應召而來晚而視之曰此可徐而斲之矣因解為二琵琶槽自然有白鵠羽翼爪足巨細畢備匠料之微失厚薄不中一鵠少其

翼公以形羽全者進之自留其一今猶在民間 洛陽
伽藍記昭儀寺佛堂前有桑樹一株直上五尺枝條橫
遶柯葉傍布形如羽蓋覆高五尺又葉凡為五重每重
葉生樞各異京師道俗謂之神桑 廣異記南方赤帝
女學道得仙居高陽嶠山桑樹上正月一日銜柴作巢
至十五日成赤帝誘之不得以火焚之女即升天因名
帝女桑 鄴郡名錄杜勝宅以輓漆纏桑枝編為籬障
雨一過黑光照四面時通甫愛之欲以銅官第取不應

常新錄裴休得桑木根曰若作沉香想之更無異相
雖對沉水香反作桑根想終不聞香氣諸相從心起

通鑑外紀西陵氏之女嫫祖為黃帝元妃始教民蠶桑
治絲繭以供衣服而天下無皺瘡之患後世祀為先蠶
兼明書今三四月間採桑之時見有小鳥灰色眼下

正白俗呼白鵝鳥是也以其採桑時來故謂之桑鴈

俗呼小錄湖州以桑葉二十斤為一箇湧幢小品湖

州有章姓者豫占桑價占賤即畜至百餘斤二十年無

爽白手厚獲生計遂饒鼓樂賽謝以為常一日賽畢有一婦人矮而肥求齋卧地下不去其家內外醉飽厭之叱使去婦人曰我與汝曾祖母有舊連歲為汝應卜助生計一齋何吝匍匐入門蹴之忽不見且駭且疑佛堂忽有聲曾祖母牌已裂為二蓋祖母每好善見裸蟲必致暖處護其生俟生翼飛去乃已矮婦之祥或在於此以後卜吉而畜其價必相左家道耗云 燕山叢錄漢昭烈宅在涿州樓桑村昭烈在民間所居有桑層蔭如

樓因曰樓桑今尚在其下留題甚多 五雜俎涿州之涑水道中有大桑樹高十餘丈蔭百畝云即昭烈舍前之桑也自漢及今千五百年矣而扶疎如故且其樞視常桑倍大土人珍之以相餽遺云

集藻贊增晉郭璞帝女桑贊爰有洪桑生濱淪潭厥圍五大枝相交參園客是採帝女所蠶 原元王禎躬桑贊有星天駟象匹神龍惟蠶辰生厥精冥通孕卵而出寓食桑中惟君立后毓德中宮既正母儀普師婦工建

茲繭館桑必以躬爰制祭祀郊廟是供

賦增魏繁欽桑賦上似華蓋紫極比形下象鳳闕萬栢

一楹叢枝互出乃錯乃并暄暄隆暑涼風自生微條纖
繞隨風浮沉陽蜩鳴其南枝寒蟬噪其北陰秋氣忽其
將來咸感節而悲吟玩庇蔭之惠厚情眷眷而愛深

晉陸機桑賦并序皇太子便坐蓋本將軍直廬也初世
祖武皇帝為中壘將軍植桑一株世更二代年漸三紀
扶疎豐衍抑有瑰異焉賦曰夫何佳樹之洪麗超托居

乎紫庭羅萬根以下洞矯千條而上征豈民黎之能植
乃世武之所營故其形瑰族類體艷衆木黃中爽理滋
榮煩縟綠葉興而盈尺崇條蔓而層尋希太極以延峙
映承明而廣臨革飛鴉之流響想鳴鳥之遺音惟厯數
之有紀恒依物以表德豈神明之所相將我皇之先識
誇百世而勿翦超長年以永植 傳咸桑樹賦并序世
祖昔為中壘將軍於直廬種桑一株迄今三十餘年甚
茂盛不衰皇太子入朝以此廬為便坐賦曰伊茲樹之

僥倖蒙生生之渥惠降皇躬以斯植遂弘茂於聖世厥
茂伊何其大連尋脩柯遠揚洪條梢樛布繁枝之沃若
播密葉以垂陰蔭華寓而作涼清隆暑之難任以厥樹
之巨偉登九日於朝陽且積小以高大生合抱於毫芒
猶帝道之將升亦累德以彌光湯躬禱於斯林用獲雨
而興商惟皇晉之基命爰於斯而發祥從皇儲於斯館
物無改於平生心惻切以興思思有感於聖明步踉蹌
以周覽庶髣髴於儀刑 潘尼桑樹賦從明儲以省膳

憩便房以偃息觀茲樹之特瑋感先皇之攸植蔚蕭森
以四射邈洪榮而端直爾乃徘徊周覽俯仰逍遙俛睨
靈根上眺脩條洞芳泉於九壤含溢露於清霄倚增城
之飛觀拂綺窓之疏寮下迢遞以極望上扶疎而參差
匪衆鳥之攸萃相鳳鸞之羽儀理有微而至顯道有隱
而應期豈皇晉之禎瑞兆先見而啓茲起尋抱於纖毫
崇萬貫於始基原元王禎親蠶賦惟蠶有功萬世歸美
廣物產之貨賁作人生之衣被仲春之月天子詔后以

躬桑大昕之朝內宰告期而命祀於是詣靈壇降寶殿
翠障夾乎道周鳳輦翔於畿甸順春氣於東方朝先蠶
於北面具夫青縹之服侑以芳馨之薦當其疊承寵命
適對韶光擇世婦於卜吉受鞠衣於明堂崇開禁館始
入公桑援條有三聽女尚書之勸止執筐不再受宮夫
人之是將體之以坤儀之柔順視之以母道之慈良破
蟻以來庶養至於千簿獻繭之後諒化被於多方

五言古詩增漢樂府陌上桑日出東南隅照我秦氏樓

秦氏有好女自名為羅敷羅敷善採桑採桑城南隅青
絲為籠系桂枝為籠鉤頭上倭墮髻耳中明月珠綳綺
為下裙紫綺為上襦行者見羅敷下擔將髭鬚少年見
羅敷脫帽著幘頭耕者忘其犁鋤者忘其鋤來歸相怒
怨但坐觀羅敷使君從南來五馬立踟躕使君遣吏往
問是誰家妹秦氏有好女自名為羅敷羅敷年幾何二
十尚不足十五頗有餘使君謝羅敷寧可共載不羅敷
前致辭使君一何愚使君自有婦羅敷自有夫東方千

餘騎夫壻居上頭何用識夫壻白馬從驪駒青絲繫馬
尾黃金絡馬頭腰中廬盧劍可直千萬餘十五府小史
二十朝大夫三十侍中郎四十專城居為人潔白皙鬢
鬢頗有鬚盈盈公府步冉冉府中趨坐中數千人皆言
夫壻殊 晉樂府採桑度蠶生春三月春桑正含綠女
兒採春桑歌吹當春曲 繫條採春桑採葉何紛紛採
桑不裝鈎牽壞紫羅裙 採桑盛陽月綠葉何翩翩攀
條上樹表牽壞紫羅襴 陶潛擬古種桑長江邊三年

望當採枝條始欲茂忽值山河改柯葉自摧折根枝浮
滄海春蠶既無食寒衣欲誰待本不植高原今日復何
悔
原陶潛歸田園居野外罕人事窮巷寡輪鞅白日
掩荆扉虛室絕塵想時復墟曲中披草共來往相見無
雜言但道桑麻長桑麻日已長吾土日已廣常恐霜霰
至零落同草莽
增宋謝靈運種桑詩人陳條柯亦有
美攘剔前修為誰故後事資紡績常佩知方誠愧微富
教益浮陽驚嘉月藝桑迨閒隙疎欄發近郭長行達廣

域壙流始。悲泉涵塗。猶跬跡。俾此將長成。慰我海外役。
梁吳均採桑賤。妾思不堪採桑渭城南。帶減連枝繡。
髮亂鳳凰簪。花舞依長薄。蛾飛愛綠潭。無由報君信。流
涕向春蠶。陌上桑。娟娟陌上桑。蔭陌復垂塘。長條映
白日。細葉隱鸝黃。蠶飢妾復思。拭淚且提筐。故人寧知
此。離恨煎人腸。劉邈萬山見採桑人倡。妾不勝愁結。
束下青樓。逐伴西城路。相攜南陌頭。葉盡時移樹。枝高
乍易鉤。絲繩挂且脫。金籠寫復收。蠶飢日已暝。詎為使

君留 王臺卿陌上桑令月開和景處處動春心挂筐
須葉滿息倦重枝陰 沈君攸採桑南陌落花移蠶妾
畏桑萎逐便牽低葉爭多避小枝摘駛籠行滿攀高腕
易疲看金怯舉意求心自可知 北周王褒陌上桑人
傳陌上桑未曉已含光重重相蔭映輒弱自芬芳秋胡
未住馬羅敷未滿筐春蠶朝已老安得久徬徨 陳傅
緯採桑羅敷試採桑出入城南傍綺裙映珠珥絲繩提
玉筐度身攀葉聚聳腕及枝長空勞使君問自有侍中

郎賀徹採桑蠶妾出房櫳結伴類花叢度水春衫綠
映日晚妝紅釧聲時動樹衣香自入風鉤長嫩枝曲葉
盡細條空競採須盈手爭歸欲滿籠自憐公府少誰與
少年同唐劉希夷採桑楊柳送人行青青西入秦誰
家採桑女樓上不勝春盈盈灞水曲步步春芳綠紅臉
耀明珠絳唇含白玉回首渭橋東遙憐春色同青絲嬌
落日綳綺弄春風攜籠長嘆息逶迤戀春色看花若有
情倚樹疑無力薄暮思悠悠使君南陌頭相逢不相識

歸去夢青樓 原李白陌上桑美女渭橋東春還事蠶

作五馬如飛龍青絲結金絡不知誰家子調笑來相謔

妾本秦羅敷玉顏艷名都綠條映素手採桑向城隅使

君且不顧况復論秋胡寒螢愛碧草鳴鳳栖青梧託心

自有處但怪傍人愚徒令白日暮高駕空踟躕 子夜

吳歌秦地羅敷女採桑綠水邊素手綠條上紅妝白日

鮮蠶飢妾欲去五馬莫留連 常建陌上桑翳翳陌上

桑南枝交北堂美人金梯出素手自提筐非但畏蠶飢

盈盈嬌路傍 增李彥遠採桑畏日高不待春眠

足攀條有餘愁那矜貌如玉千金豈不贈五馬空鄉獨

何以變貞性幽篁雪中綠 王建採桑鳥鳴桑葉間綠

條復柔柔攀看去手近散作長長鉤黃花蓋野田白馬

少年遊所念豈迴顧良人在高樓 劉駕桑婦墻下桑

葉盡春蠶半未老城南路迢迢今日起更早四隣無去

伴醉卧青樓曉妾顏不如誰所貴守婦道一春常在樹

自覺身如鳥歸來見小姑新妝弄百草 于漬田翁歎

桑手植千樹桑文杏作中梁頻年徭役重盡屬富家郎
富家田業廣用此買金章昨日門前過軒車滿垂楊歸
來說向家兒孫竟咨嗟不見千樹桑一浦芙蓉花 元
趙孟頫題織圖正月正月新獻歲最先理農器女工並
時興蠶室臨期治初陽力未勝早春尚寒氣窓戶當與
密勿使風雨至田疇耕耨動敢不修耒耜經冬牛力弱
相戒勤飯飼萬事非預備倉卒恐不易田家亦良苦舍
此復何計 二月仲春凍初解陽氣方滿盈旭日照原

野萬物皆欣榮是時可種桑插地易抽萌列樹徧阡陌
東西各縱橫豈惟籬落間採葉憚遠行大哉皇元化四
海無交兵種桑日已廣彌望綠雲平匪惟錦綺謀祇以
厚民生 三月三月蠶始生纖細如牛毛婉孌閨中女
素手握金刀切葉以飼之擁紙散周遭庭樹鳴黃鳥發
聲和且嬌蠶飢當採桑何暇事遊遨田時人力少丈夫
方種苗相將挽長條盈筐不終朝數口望無寒敢辭終
歲勞 四月四月夏氣清蠶大已屬眠高首何昂昂蛾

眉復娟娟不憂桑葉少徧野如綠煙相呼攜筐去迢遞
立遠阡梯空伐條枚葉上露未乾蠶飢當早歸秉心靜
以專飭躬修婦事佻勉當盛年救忙多女伴笑語方喧
然五月五月夏已半谷鶯先弄晨老蠶成雪繭吐絲
亂紛紜伐葦作簿曲束縛齊榛榛黃者黃如金白者白
如銀爛然滿筐筥愛此顏色新欣欣舉家喜稍慰經時
勤有客過相問笑聲聞四隣論功何所歸再拜謝蠶神
六月釜下燒桑柴取繭投釜中纖纖女兒手抽絲疾

如風田家五六月綠樹陰相蒙但聞綠車響遠接村西
東旬日可經綃弗憂杼柚空婦人能蠶桑家道當不窮
更望時雨足二麥亦稍豐酤酒田家飲醉倒嫗與翁

七月七月暑尚熾長日弄機杼頭蓬不暇梳揮手汗如
雨嚶嚶時鳥鳴灼灼紅榴吐何暇娛耳目往來忘僂僂
織為機中素老幼要紉補青燈照夜梭蟋蟀窓外語辛
勤亦何有身體衣幾縷嫁為田家婦終歲服勞苦 八
月池水何洋洋漚麻水中央數日庶可取引過兩手長

識一字每念心作惡東隣方迎師收拾令上學後月日
南至相賀因舊俗為女裁新衣脩短巧量度龜手事塞
向庶禦北風虐人生真可歎至老長力作 十一月冬
至陽來復草木潛滋萌君子重其然吾道自此亨父母
坐堂上子孫列前榮再拜稱上壽所願百福并人生屬
明時四海方太平民無札瘥者厚澤敷羣情衣食苟給
足禮義自此生願言興學校庶幾教化成 十二月忽
忽歲將盡人事可稍休寒風吹桑林日夕聲颼颼牆南

地不凍壑掘為坑溝斫桑埋其中明年芽早抽是月浴
蠶種自古相傳流蠶出易脫殼絲續亦倍收及時不努
力知有來歲不手凍不足惜未免號寒憂 明李東陽
采桑玉堂陰二首答篁墩學士采桑玉堂陰分蠶長安
郭一勞累百枚再分連數箔寧知富貴地此物能沃若
平生畎畝憂黽勉懷力作嗟彼衣錦兒空言養蠶樂吳
機詠濯濯周葉歌莫莫遺我通家人同心故相託愛之
敢輕棄弱女方就學 采桑玉堂陰陰濃樹婆娑一采

不滿筐竟日能幾何乃知富貴地不及窮山阿蠶成忽
滿眼所得良亦多人言繫家運或者陰陽和向非夙夜
勤豈恃葉與柯衣多必思寒吾民本同科欲將分蠶意
廣被無偏頗

七言古詩增陳徐伯陽賦得日出東南隅行朱城璧日
啟朱扉青樓含照本暉暉遠暎陌上春桑葉斜入秦家
絳綺衣羅敷妝粉能佳麗鏡前新梳倭墮髻圓籠裊裊
挂青絲鐵鈎冉冉勝丹桂蠶飢日晚暫生愁忽逢使君

南陌頭五馬停珂遣借問雙臉含嬌特好羞妾壻府中
輕小史即今來往專城裏欲識東方千騎歸藹藹日暮
紅塵起 宋鄭震採桑曲晴採桑雨採桑田頭陌上家
家忙去年養蠶十分熟蠶姑只著麻衣裳

五言律詩增宋梅堯臣傷桑桑條初變綠春野忽飛霜
田婦搔蓬首冰蠶絕繭腸名翬依麥雉戴勝繞枝翔不
見羅敷騎金鈎自挂墻

五言絕句增唐鄭谷採桑向曉攜籠去桑村路隔淮何

如關百草賭取鳳凰釵 劉駕秦娥秦娥十四五面白
于指爪羞人夜採桑驚起戴勝鳥 王周採桑女二首
渡水採桑歸蠶老催上機札札得盈尺輕素何人衣
採桑知蠶飢投梭惜衣遲誰誇羅綺叢新畫學月眉
宋王安石採桑溪橋接桑畦鉤籠曉羣過今蚤去何蚤
向晚蠶恐卧 明楊基陌上桑青青陌上桑葉葉帶春
雨已有催絲人咄咄桑下語

六言絕句

御製桑林乍綠蠶事方興詩以嘉之彌望桑林吐葉垂枝
嫩碧初勻竹舍正殷蠶務天工雨露維均

七言絕句

御製岸側桑葉初碧夾岸青青遶御舟濃桑初茁滿村謳
省方遍問蠶家苦春雨連綿盡日憂 題織圖浴蠶

風曾著授衣篇蠶事初興穀雨天更考公桑傳禮制先
宜浴種向晴川 二眠桑桑初翦綠參差陌上歸來日
正遲村舍家家簾幕靜春蠶新長再眠時 三眠紅女

勤劬日載陽鳴鳩拂羽恰條桑只因三卧蠶將老翦燭

頻看夜未央大起春深處處掩茅堂滿架吳蠶婦子

忙料得今年收繭倍冰絲雪縷可盈筐捉績連宵食

葉正紛紛風雨聲喧隔戶聞喜見新蠶瑩似玉燈前檢

點最辛勤分箔愛逢晴日映疎簾新綠如雲葉漸添

天氣晴和蠶事廣移筐分箔遍茅簷採桑桑田雨足

葉蕃滋恰是春蠶大起時負筥攜筐紛笑語戴鵲飛上

最高枝上簇頻執纖筐不厭疲久忘膏沐與調饑今

朝士女歡顏色看我冰蠶作繭時
炙箔蠶性由來苦

畏寒深垂簾幕夜將闌
鑪頭更熱松明火老嫗殷勤日

探看下簇自昔蠶繅重
婦功曾聞獻繭在深宮披圖

喜見纍纍滿苑屋清光積雪同
擇繭冰繭方堪作素

紉重綿亦藉禦深寒就中自有
因材法揀取筐間次第

觀
害繭一年蠶事已成功歷數從
前屬女紅聞說及

時還害繭荷鋤又向綠陰中
練絲炊烟處處繞柴籬

翠釜香生煮繭時無限經綸從
此出盆頭喜色動雙眉

蠶蛾蛾兒布子如金粟水際分飛任所之莫令繭絲
遺利盡來年畱作授衣資 祀謝勞勞拜簇祭神桑喜

得絲成願已償自是西陵功德盛萬年衣被澤無疆

緯綠陰掩映野人家每到蠶時靜不譁一自夏初成繭

後籬邊新聽響繰車 織從來蠶績女功多當念勤勞

惜綺羅織婦絲絲經手作夜寒猶自未停梭 絡緯無

衣卒歲早關情寒氣催人蟋蟀聲茅屋疎籬秋夜永短

檠相對絡絲成 經織紵精勤有李蘭牽絲分理製羅

紈鳴機來往桑陰裏已作吳綃匹練者 染色凝膏比
潔絡新絲傳得仙方色陸離一代文明資貴飾須教五
采備彰施 攀花巧樣爭傳濯錦紋堪憐織女最殷勤
雲章霞彩娛人意自著尋常縞布裙 翦帛手把齊紈
冰雪清秋衣欲製重含情逡巡莫漫施刀尺萬縷千絲
織得成 成衣已成束帛又縫紉始得衣裳可庇身自
昔宮庭多澣濯總憐蠶織重勞人

增唐來鵬蠶婦曉夕採桑多苦辛好花時節不閒身若

教解愛繁華事凍殺黃金屋裏人
汪遵採桑婦為報

躊躇陌上郎蠶飢日晚妾心忙
本來若愛黃金好不肯

攜籠更採桑
宋楊修蠶室摘繭抽絲女在機
茅檐葦

箔舊堂扉年年桑柘如雲綠
翻織誰家錦地衣
陸游

示客桑柘成陰百草香
縑車聲裏午風涼
客來莫說人

間事且共山林夏日長
范成大科桑斧斤畱得萬枯

株獨速槎牙立暝途
飽盡春蠶收罷繭更殫餘力付樵

蘇
揚萬里桑疇夾岸瀕
河種穉桑春風吹出萬條長

船行老眼渾多忘喚作西湖插拒霜
方岳農謠兩過

一村桑柘煙林梢日暮鳥聲妍
青裙老姥遙相語今歲春寒蠶未眠
金劉瞻春郊桑芽粒粒破春青小葉迎

風未展成寒食歸寧紅袖女
外家紙上看蠶生
原明

陳繼儒女桑新綠映宮槐
三月春風戴勝來織就鴛鴦錦
千足金刀先取合歡裁
增沈天孫採桑曲青溪女
兒愛羅裙提筐陌上蹋春雲
蠶飢日暮思歸去不敢回頭看使君

詩散句增魏曹植美女妖且閑采桑歧路間柔條紛冉

冉落葉何翩翩 出自薊北門遙望湖池桑枝枝自相

值葉葉自相當 宋鮑照季春梅始落女工事蠶作采

桑淇水間還戲上宮閣 梁簡文帝寄語採桑伴訝今

春日短枝高攀不及葉細籠難滿 原江淹但願桑麻

成蠶月得紡績 增唐儲光義碓喧春澗滿梯倚綠桑

斜 李白吳地桑葉綠吳蠶已三眠 燕草如碧絲秦

桑低綠枝 及此桑葉綠春蠶起中閨 杜甫桑柘葉

如雨飛藿共徘徊 聶夷中勸爾毋伐桑減爾身上服

宋梅堯臣二月起蠶事伐桑又阻饑 王安石澗谷

芳菲少春風著野桑 唐杜牧深處會容高尚者水苗

三頃百株桑 韓偓萬里清江萬里天一村桑柘一村

煙 宋唐庚魚陂舊種千頭鱸桑徑新窠十畝繒 張

舜民洲中未種千頭橘宅畔先栽百本桑 唐王維蠶

眠桑葉稀 李白日出明桑枝 桑柘綠如雲 岑參

桑葉隱村戶 張謂夏雨桑條綠 孟郊野桑無直柯

張籍桑柘羅平蕪 溫庭筠沃田桑葉晚 李嘉祐

清明桑葉小 于濬青春滿桑柘 宋蘇軾萬樹桑柘

美 唐庚蠶罷野無桑 金史肅平林半是桑 唐上

官儀葉密鶯啼帝女桑 杜甫舍西桑桑葉可拈 李

頻桑林蠶後盡空條 朱慶餘桑柘成村百畝間 曹

唐桑葉扶疎蔽日華 宋司馬光滿川濃綠土宜桑

王安石桑桑採盡綠陰稀 陸游桑眼綻來蠶事興

霜清南陌課蠶桑 蠶飢衝雨采青桑 金秦畧桑青

初散墮頭桑 元好問 童童翠蓋桑初合 明楊基 黃
梅雨晴桑重綠

詞原明王世貞 浣溪沙 一夜春波釀作藍 曉桑桑葉綠
鬢髮了鬢十五太嬌憨 織作雙魚成比目 偷將百草
鬪宜男 更無心緒 餵春蠶 增宋賀鑄 憶秦娥 著春衫

玉鞭鞭馬南城南 南城南 桑桑嫩草留住金銜 粉蛾
采葉供新蠶 蠶飢畧許攜纖纖 攜纖纖 湔裙淇上更待
初三 錦纏道 雨過園林觸處落紅凝 綠正桑葉齊如

沃嬌羞只恐人偷看背立牆陰慢展纖纖玉
聽啼鳩幾聲耳邊相促念蠶饑四眠初熟勸路傍立馬莫踟躕
是那裏唱道秋胡曲

別錄增種樹書畜蠶者常以三月三日雨卜桑葉之貴
賤諺云雨打石頭徧桑葉三錢片或曰四日尤甚杭州
人云三日尚可四日殺我言四日雨尤貴 午日不得
鋤桑園 桑濕不可飼蠶雨中採至必拭令乾恐有傷
也 湧幢小品湖州畜蠶者多自栽桑否則預租別姓

之桑俗曰秒桑凡蠶一斤用葉百六十斤諺云仙人難
斷葉價故栽與秒為最穩否則謂之看空頭蠶有天幸
者往往趣之 原桑葉炙熟可代茶 嫩桑枝炒香煎
飲久服不患偏風 種植便民纂要取黑樁中段子收
貯勿令浥濕將種時先以柴灰淹揉次日淘淨取沉水
者曬令纔去水氣種乃易生宜肥地有草鋤淨冬月燒
去苗至春去冗苗留旺者俟至指大移栽五步一株大
約種子不如壓條 初芽時擇指大枝條旺相肥澤者

就馬蹠處劈下潤土內開溝尺許埋實自然生根布葉
壓後遇旱於傍開溝灌之但取水氣到忌多著水農桑
要旨云平原淤壤土地肥虛荆桑魯桑俱可種若山地
土脈赤硬止宜荆士民必用云種藝在審時又合地宜
使不失其中春分前十日為上時當發生也十月小春
木氣長生也亦可壓桑有三宜時宜和包宜固壅宜厚
大抵天氣晴明巳午時借其陽和如栽子巳出忽變天
氣即以熱湯調泥培之暑月必待晚涼仍預於園中稀

種麻麥為蔭惟十一月不生農桑撮要云十二月內掘坑深濶約二小尺却於坑畔取土糞和成泥漿桑根埋定糞土培壅與地平次日築實切不可動搖其桑加倍榮旺勝如春栽 又法將桑根浸糞水一宿掘坑栽之栽宜淺種以芽稀者為上諺云臘月栽桑桑不知增汜勝之書種桑法每畝以黍樵子各三升合種之黍桑當俱生鋤之桑令稀疏調適黍熟穫之桑生正與黍高平因以利鎌摩地刈之曝令燥後有風調放火燒之常

逆風起火桑至春生一畝食三箔蠶。齊民要術桑柘
熟時收黑魯樵即以水淘取子曬燥仍畦種常薈令
淨明年正月移而栽之率五尺一根其下常掘種小荳
綠荳栽後二年慎勿採沐大如臂許正月中移之率十
步一樹行欲小犄角不用正相當須取栽者正月二月
中以鈎弋壓下枝令著地條葉生高數寸仍以燥土壅
之明年正月中截取而種之。種樹書穀樹上接桑其
葉肥大桑上接黎脆美而甘撒子種桑不若壓條而分

根莖 澗間植桑斬其葉而植之謂之稼桑却以螺殼
覆其頂恐梅雨侵損其皮故也二年即盛 農政全書
玄扈先生曰接桑莫如當年條為妙三年之說不然也
且接時必待月暗自下弦至上弦皆可晦尤妙自上弦
至下弦皆忌望尤險 取莖與雞鴨食之糞中淘出種
者更不生莖 本新書曰地桑本出魯桑須以魯桑萌
條如法栽培揀肥旺者約留四五條鋤治添糞條有定
數葉不繁多衆葉脂膏聚於一葉其葉自大即是地桑

王禎曰齊民要術栽取樁之黑者翦去兩頭惟取中間一截蓋兩頭者其子差細種則成雞桑花桑中間一截其子堅栗則枝幹堅強而葉肥厚將種之時先以柴灰淹揉次日水淘去輕秕不實者曬令水脈才乾種乃易生 士農必用地桑之功惟在治之如法不致荒燥桑者易生之物除十一月不生活餘月皆可仍須於園內稀種穰或麻黍為蔭 斫樹法自移栽時便割去梢既不留中心其條自向外長 科條法有四等一瀝

水條

向下水者

一刺身條

向裏生者

一駢指條

相併生者

一冗脰條

雖順

生却

臘月為上正月次之

博聞錄白桑少子壓枝種

之若有子可便種須用地陰處其葉厚大得繭重實絲

每倍常原採桑高者用梯摘庶不傷枝遠出強枝當

用濶月鋒利扁斧轉腕回刃向上斫之枝查既順津脈

不出葉必復茂諺曰斧頭自有一倍葉此善用斧之效

也桑桑高枝不勝梯須置桑几如高橈下列二枕作登

級斯易摘葉又不傷樹培桑凡耕桑田不用近樹犁

不著處剷土令起斫去浮根以蠶矢糞之根下埋龜甲
則茂盛而不蛀生黃衣亦以此治之 修桑削其小枝
則葉茂去其枯枝則不荒蠶事畢將枝髡去但髡時不
可留嘴角及夏至開掘根下用糞或蠶沙培壅則生意
鬱積來年嫩枝之葉更覺茂盛且皮可製紙枝可當柴
兼有餘利

附錄
桑榘

增說文甚桑實也

本草桑子曰榘

榘與甚通集韻一作榘一作黠

李

時珍曰樛有烏白二種

彙考增詩衛風吁嗟鳩兮無食桑甚傳鳩鵲鳩也食桑
甚過則醉而傷其性 魯頌翩彼飛鴉集于泮林食我
桑黹懷我好音傳黹桑實也 爾雅桑辨有甚柈注辨

半也疏桑樹一半有甚半無甚為柈 晉書張天錫傳

會稽王道子問西土所出天錫應聲曰桑樛甘香鴟鴞
革響乳酪養性人無妒心 隋書循吏傳趙軌少好學

有行檢東隣有桑甚落其家軌遣人悉拾還其主誠其

諸子曰吾非以此求名意者非機杼之物不願侵人汝等宜以為誠

北史崔逞傳道武攻中山未尅六軍乏

糧問計於逞逞曰飛鶚食葚而改音詩稱其事可取以

助糧帝乃聽人以葚當租神異經東方有桑焉椹長

三尺五寸圍如長東觀漢記蔡君仲汝南人至孝王

莽亂人相食君仲取桑椹赤黑異器賊問仲仲答曰黑

者供母赤者自食賊異之遺鹽二斗漢武帝內傳神

仙上藥有扶桑丹椹魏畧楊沛為新鄭長興平末人

多飢窮沛課民益畜乾樵收螢豆閱其有餘以補不足
如此積得千餘斛藏在小倉會太祖為兗州刺史西迎
天子所將千餘人皆無糧過新鄭沛謁見乃皆進乾樵
太祖甚喜後賜生口十人絹百足以報乾樵也 魏書

素紹之在河北軍人仰給桑樵 神仙傳班孟者不知

何許人或云女子也人家有桑果數千株皆聚之成積
如山如此十餘日吹之各還本處 異苑北方有白桑
樵長數寸食之甘美 漢興平元年九月桑再樵時劉

玄德軍小沛年荒穀貴士衆皆飢仰以為糧 晉武帝
太元中太原王戎為鬱林太守泊船新亭眠夢有人以
七枚榼子與之著衣襟中既寤得榼如夢中 發蒙記
鳩以桑榼為酒謂飲之即醉也 拾遺記員嶠山有木
名猗桑煎榼以為蜜 原金樓子始皇聞鬼谷先生言
故遣徐福入海求金菜玉蔬并一寸榼

集藻表增唐李嶠為鳳閣侍郎李元素進冬榼表臣某
言聞京兆萬年縣大寧坊有桑一株暮秋生子初冬榼

熟今謹取得專輒進奉伏惟陛下惠覃區寓仁洎草木
故得神蠶之樹發秀於寒露之辰帝女之林結實於繁
霜之下出於萬年之界彰一人萬歲之符生自大寧之
坊表羣生大安之慶鵠鴉已革見蠻貊之懷音絲繭行
豐知府藏之逾實殊禎游委絕貺仍臻凡在含生孰不
欣慶無任忭躍之至

賦增晉傳玄桑椹賦繁實離離含甘吐液翠珠三變或
玄或白嘉味殊滋食之無斁

七言絕句增宋陸游詠園中草木日高未辦續晨炊一

枕村醅且療饑槃箸索然君勿笑桑間紫椹正累累

詩散句增唐羅隱紫飽垂新椹宋司馬光桑蔭青青

紫椹垂張耒桑間椹熟麥齊腰陸游鬱鬱林間桑

椹紫桑林紫甚累累熟桑間甚紫蠶齊老

別錄增本草衍義本經言桑甚詳然獨遺烏椹桑之精

英盡在於此采摘微研以布濾汁石器熬成稀膏入密

熬稠貯瓷器中滾湯點服消熱止渴其性微涼故也仙

方日乾為末蜜和為丸酒服亦良 本草綱目楊氏產

乳云孩子不得與桑椹食令兒心寒四時月令云四月
宜飲桑椹酒能理百種風熱其法用椹汁三斗重湯煮
至一斗半入白蜜二合酥油一兩生薑一合煮令得所
瓶收每服一合和酒飲之亦可以汁熬燒酒藏之經年
味力愈佳史言魏武帝年乏食得乾椹以濟饑金末大
荒民皆食椹獲活者不可勝計則椹之乾濕皆可救荒
平時不可不收採也 原收椹農桑撮要子熟時摘取

以水淘過畧曬乾便掘深坑種之或畦種之便生即時
多收樵子以待來春種尤佳收貯勿近濕壁牆邊則浥
損不生 學山蠶經五月也收桑樵而水淘少曬焉畦
而種之至冬而焚其梢及明年而分種之

附錄 桑寄生

增本草別錄曰桑上寄生生弘農川谷桑樹上三月三
日采莖葉陰乾韓保昇曰諸樹多有寄生莖葉並相似
云是鳥食物子糞落樹上感氣而生葉如橘而厚輒莖

如槐而肥脆處處雖有須桑上者佳非自采即難以別
可斷莖視之色深黃者為驗朱震亨曰桑寄生藥之要
品而人不諳其的近海州邑及海外之境其地暖而不
蠶桑無採捋之苦氣濃意厚自然生出也李時珍曰寄
生高者二三尺其葉圓而微尖厚而柔面青而光澤背
淡紫而有茸川蜀桑多時有生者他處鮮得須自采或
連桑採者乃可用

別錄原梧潯雜佩桑寄生酒出梧州色白味頗清冽晉

張華詩蒼梧竹葉清陳張正見詩浮蟻擅蒼梧皆謂此
第釀者必和以燒酒以氣候炎蒸恐酒味易敗故耳飲
勿過多

附錄
桑花

增本草桑花一名桑蘚一名桑錢生桑樹上白蘚如地
錢花樣不是桑樵花也能健脾澀腸止血

柘

增古今注柘實曰佳

音雒言佳
鳥所食也

本草按陸佃埤雅云

柘宜山石柘之從石取此義寇宗奭曰柘木裏有紋亦可旋為器葉可飼蠶曰柘蠶然葉硬不及桑葉李時珍曰處處山中有之喜叢生幹疎而直葉豐而厚團而有尖其葉飼蠶取絲作琴瑟絃清響勝常爾雅所謂棘繭即此蠶也其實狀如桑子而圓粒如椒其木涂黃赤色謂之柘黃

彙考增詩大雅攘之剔之其檠其柘疏攘去之剔翦之者其為檠木其為柘木之材也集傳檠山桑也與柘皆

美材可為弓幹又可蠶也 禮記投壺投壺矢以柘若

棘毋去其皮注取其堅且重也 考工記弓人為弓取

幹之道七柘為上 唐書南蠻傳自曲靖州至滇池食

蠶以柘蠶生閱二旬而繭織錦縑精緻 新論楚柘質

勁必資榜檠以成彊弓 清異錄張曲江里第之側有

古柘嘗因狂風發其一根解為器具花紋甚奇人又以

公之手筆冠世目之曰文章樹 羣碎錄古史考曰柘

樹枝長而勁鳥集之將飛柘樹反起彈鳥鳥乃號呼此

枝為弓快而有力因名烏號之弓 博聞錄柘葉豐而厚春蠶餐之其絲以冷水繅之謂之冷水絲

別錄增齊民要術種柘法耕地令熟耨耩作塊柘子熟時多收以水淘汰令淨曝乾散訖勞之草生拔却勿令荒沒三年間劬去堪作渾心扶老杖十年中四破為杖任為馬鞭胡牀十五年任為弓材亦堪作屐裁截碎木中作錐刀靶二十年好作犢車材欲作鞍橋者生枝長三尺許以繩縛旁枝木橛釘著地中令曲如橋十年之

後便是渾成柘橋欲作快弓材者宜於山石之間北陰種之

附錄
奴柘

增本草陳藏器曰奴柘生江南山野似柘節有刺冬不凋李時珍曰此樹似柘而小有刺葉亦如柞葉而小可飼蠶

謹案第四頁前七行句言陰均也刊本均訛句據
毛傳改

第五頁前五行毋有敢惰刊本有敢訛敢有據禮
記改

第六頁後八行太后幸蘭館刊本蘭訛蠶據前漢
書改

第七頁前一行率皇后列侯夫人桑刊本列侯訛
及列據前漢書改

第七頁後一行蟠絕迹於梁碣之間刊本碣訛碣

據後漢書改



總校官庶吉士

臣

侍

朝

校對官檢討

臣

王福清

謄錄監生

臣

王以謹